



PIHAK BERKUASA PENERBANGAN AWAM MALAYSIA

KENYATAAN TAWARAN

Pembekal adalah dipelawa daripada Syarikat-syarikat yang berdaftar dengan **KEMENTERIAN KEWANGAN MALAYSIA** dalam kod bidang yang berkaitan dan kriteria berkaitan seperti berikut:

KETERANGAN TAWARAN : PERKHIDMATAN KAWALAN KESELAMATAN BERSENJATA DAN TANPA SENJATA DI KOMPLEKS MENARA KAWALAN TOWER EAST, TOWER WEST, APRON DAN STESEN TERMINAL APPROACH RADAR (TAR), PIHAK BERKUASA PENERBANGAN AWAM MALAYSIA, KLIA, SEPANG, SELANGOR

JENIS TAWARAN : TERBUKA

KOD BIDANG	BIDANG	SUB BIDANG	PECAHAN SUB BIDANG
22 08 01	PERKHIDMATAN	PERTAHANAN DAN KESELAMATAN	KAWALAN KESELAMATAN

TARIKH MULA TAWARAN : 07/07/2020

TARIKH TUTUP TAWARAN : 04/08/2020

TEMPOH SAH LAKU : 180

LOKALITI : Semua Negeri

PERINCIAN TAKLIMAT

PERIHAL	TARIKH / MASA	LOKASI	PEGAWAI PENYELARAS	KEHADIRAN MAKSIMA
TAKLIMAT PERKHIDMATAN KAWALAN KESELAMATAN BERSENJATA DAN TANPA SENJATA DI KOMPLEKS MENARA KAWALAN TOWER EAST, TOWER WEST, APRON DAN STESEN TERMINAL APPROACH RADAR (TAR), PIHAK BERKUASA PENERBANGAN AWAM MALAYSIA, KLIA, SEPANG, SELANGOR	10/07/2020 (Jumaat) 03:00 PM	APLIKASI PERSIDANGAN VIDEO	MUHAMMAD FAHMI BIN ROSLI	1

- 1) Taklimat Tender adalah **WAJIB (melalui aplikasi persidangan video)** pada **10 Julai 2020 (Jumaat), jam 3.00 petang** di mana pembekal tidak perlu hadir ke CAAM dan Lawatan Tapak **atas permintaan** pembekal namun terhad kepada tarikh dan masa yang ditetapkan.
- 2) Pembekal yang berminat adalah diwajibkan menyertai sesi taklimat dengan mengemukakan maklumat berikut kepada **unit.perolehan@caam.gov.my sebelum atau pada 09 Julai 2020 (Khamis), jam 12.00 tengahari:**
 - a) Emel
 - b) Nama syarikat
 - c) Penama yang berdaftar di Sijil Pendaftaran MOF
 - d) Sijil Akaun Pendaftaran Syarikat dari Kementerian Kewangan
- 3) Maklumat yang diterima selepas tarikh dan masa yang ditetapkan tidak dibenarkan menyertai taklimat tender. **SEBARANG RAYUAN TIDAK AKAN DILAYAN.** Hanya satu (1) wakil syarikat sahaja dibenarkan bagi setiap penyertaan.
- 4) Hanya pembekal yang telah mengemukakan maklumat dalam tempoh diberikan dan memenuhi syarat akan menerima jemputan persidangan video melalui email. Aplikasi/Medium Persidangan yang ditetapkan oleh CAAM adalah muktamad dan perlu dipatuhi oleh pembekal.
- 5) Lawatan tapak (sekiranya perlu) adalah pada **14 Julai 2020 (Selasa), jam 11.00 pagi.** Hanya satu (1) wakil syarikat dibenarkan untuk membuat lawatan tapak pada satu-satu masa dan tertakluk kepada kebenaran daripada pihak CAAM.
- 6) Ketidakhadiran atau kelewatan ke sesi taklimat dianggap sebagai tidak menghadiri taklimat. Sebarang rayuan mengenai ketidakhadiran atau kelewatan ke sesi taklimat dan permohonan lawatan tapak selepas tarikh akhir tidak akan dilayan. Individu yang menghadiri sesi taklimat dan lawatan tapak ini tidak dibenarkan mewakili pembekal lain.
- 7) Selaras dengan 1PP PK2.1 perenggan 8 (vii)(a)(3)(vi), hanya penama di sijil akaun pendaftaran syarikat MOF sahaja yang boleh menghadiri sesi taklimat dan lawatan tapak ini. Pembekal tidak boleh mewakilkan pegawai selain daripada penama dalam sijil tersebut.

BAHAGIAN 1 : ARAHAN KEPADA PEMBEKAL

1. PERIHAL TENDER

- 1.1 Tender ini adalah tertakluk kepada Arahan-arahan dan Syarat-syarat yang dinyatakan dalam tender ini. Pembekal adalah diingatkan supaya mematuhi sepenuhnya arahan dan syarat ini apabila menyertai tender. Kegagalan menghantar jadual-jadual atau dokumen yang diperlukan seperti yang dinyatakan akan mengakibatkan tawaran tender tidak dipertimbangkan dan **DITOLAK**.
- 1.2 Pembekal hendaklah memastikan maklumat-maklumat tender yang dikemukakan adalah mencukupi dan jelas bagi membolehkan penilaian dapat dijalankan dengan sempurna.

2. PENYERTAAN TENDER

2.1 Kelayakan Menyertai Tender.

Semua pembekal yang hendak menyertai tender ini hendaklah berdaftar dengan Kementerian Kewangan Malaysia di bawah kod bidang yang telah ditetapkan pada Kenyataan Tawaran Pembekal dan pendaftaran masih lagi berkuatkuasa sekurang-kurangnya sehingga tiga (3) bulan dari tarikh tutup tawaran tender ini.

- 2.2 Taklimat Tender adalah **WAJIB (melalui aplikasi persidangan video)** pada **10 Julai 2020 (Jumaat), jam 3.00 petang** di mana pembekal tidak perlu hadir ke CAAM dan Lawatan Tapak **atas permintaan** pembekal namun terhad kepada tarikh dan masa yang ditetapkan.

- 2.3 Pembekal yang berminat adalah diwajibkan menyertai sesi taklimat dengan mengemukakan maklumat berikut kepada **unit.perolehan@caam.gov.my sebelum atau pada 09 Julai 2020 (Khamis), jam 12.00 tengahari:**

- a) Emel
- b) Nama syarikat
- c) Penama yang berdaftar di Sijil Pendaftaran MOF
- d) Sijil Akuan Pendaftaran Syarikat dari Kementerian Kewangan

- 2.4 Maklumat yang diterima selepas tarikh dan masa yang ditetapkan tidak dibenarkan menyertai taklimat tender. **SEBARANG RAYUAN TIDAK AKAN DILAYAN**. Hanya satu (1) wakil syarikat sahaja dibenarkan bagi setiap penyertaan.

- 2.5 Hanya pembekal yang telah mengemukakan maklumat dalam tempoh diberikan dan memenuhi syarat akan menerima jemputan persidangan video melalui email. Aplikasi/Medium Persidangan yang ditetapkan oleh CAAM adalah muktamad dan perlu dipatuhi oleh pembekal.

- 2.6 Lawatan tapak (sekiranya perlu) adalah pada **14 Julai 2020 (Selasa), jam 11.00 pagi**. Hanya satu (1) wakil syarikat dibenarkan untuk membuat lawatan tapak pada satu-satu masa dan tertakluk kepada kebenaran daripada pihak CAAM.
- 2.7 Ketidakhadiran atau kelewatan ke sesi taklimat dianggap sebagai tidak menghadiri taklimat. Sebarang rayuan mengenai ketidakhadiran atau kelewatan ke sesi taklimat dan permohonan lawatan tapak selepas tarikh akhir tidak akan dilayan. Individu yang menghadiri sesi taklimat dan lawatan tapak ini tidak dibenarkan mewakili pembekal lain.
- 2.8 Selaras dengan 1PP PK2.1 perenggan 8 (vii)(a)(3)(vi), hanya penama di sijil akaun pendaftaran syarikat MOF sahaja yang boleh menghadiri sesi taklimat dan lawatan tapak ini. Pembekal tidak boleh mewakilkan pegawai selain daripada penama dalam sijil tersebut.
- 2.9 Semua pembekal adalah terikat dan hendaklah mematuhi sepenuhnya arahan-arahan dan syarat-syarat tender. Pembekal hendaklah membaca arahan-arahan dan syarat-syarat serta menyemak kandungan Dokumen dengan teliti sebelum membuat tawaran. Kegagalan mematuhi mana-mana arahan dan syarat yang telah ditetapkan boleh menyebabkan tawaran tender tersebut tidak dipertimbangkan dan DITOLAK.
- 2.10 Pematuhan Syarat dan Spesifikasi Tender.
- a) Pembekal mestilah mematuhi semua syarat dan spesifikasi tender. Tawaran tender yang gagal mematuhi mana-mana daripada syarat dan spesifikasi tender tidak akan dipertimbangkan dan DITOLAK.
 - b) Pembekal mestilah mengemukakan semua dokumen yang dikehendaki dan memastikan bahawa dokumen yang dihantar adalah lengkap dan diisi dengan betul. Susunan dan format dokumen/borang mestilah mengikut apa yang telah ditetapkan dalam dokumen.
 - c) Pembekal mestilah memotong dan menandatangani ringkas sebarang pembetulan/pindaan yang dibuat setentang dengan pembetulan/pindaan tersebut. Penggunaan pemadam cecair dalam apa jua cara adalah tidak dibenarkan.
- 2.11 Kos bagi penyertaan dan penyediaan dokumen adalah ditanggung sepenuhnya oleh pembekal. Pihak Berkuasa tidak akan bertanggungjawab atas apa-apa jua kos yang terlibat.
- 2.12 Pihak Berkuasa tidak pernah melantik mana-mana individu atau syarikat yang bertindak sebagai orang ketiga di dalam urusan tender dan/atau perjanjian ini. Sekiranya pembekal mempunyai sebarang permasalahan berkaitan tender dan/atau perjanjian ini hendaklah dirujuk terus kepada Pihak Berkuasa.

- 2.13 Pihak Berkuasa boleh membatalkan tender ini tanpa memberikan sebarang alasan kepada semua pembekal dan kos-kos yang terlibat semasa penyediaan tender ini tidak akan ditanggung oleh Pihak Berkuasa.

3. BORANG TENDER DAN TAWARAN HARGA

- 3.1 Pembekal hendaklah memasukkan (*key in*) harga tawaran keseluruhan di dalam Sistem ePerolehan tanpa cukai dan memuatnaik perincian harga sebelum dan selepas cukai pada Jadual Tawaran Harga / *Bill of Services* (sekiranya perkhidmatan tertakluk kenaaan cukai).
- 3.2 Harga yang ditawarkan hendaklah harga tetap dan tidak boleh dipinda selepas tawaran ditutup dan berkuatkuasa selama tempoh sahlaku penawaran dan kontrak. Walau bagaimanapun, Pihak Berkuasa berhak membuat perubahan pada bila-bila masa.
- 3.3 Semua tawaran harga oleh pembekal hendaklah dikemukakan dengan dinyatakan harga tawaran perkhidmatan tanpa Cukai Perkhidmatan. Sekiranya perkhidmatan tersebut termasuk dalam senarai yang dikenakan Cukai Perkhidmatan dan pembekal yang berjaya adalah berdaftar CJCP dengan JKDM, maka Pihak Berkuasa akan menawarkan nilai perolehan termasuk kenaaan Cukai Perkhidmatan.
- 3.4 Pembekal pada bila-bila masa setelah berdaftar dengan JKDM, hendaklah memaklumkan Pihak Berkuasa supaya Cukai Perkhidmatan boleh dibayar oleh CAAM. Kegagalan atau kelewatan pembekal untuk memaklumkan kepada CAAM mengenai status pendaftaran dengan JKDM akan menyebabkan pembekal perlu menanggung CJCP dan tidak layak menuntut apa-apa bayaran daripada CAAM.
- 3.5 Syarikat dikehendaki mengemukakan semua butir-butir kos seperti yang dikehendaki dalam dokumen ini. Sekiranya terdapat butiran yang tertinggal dalam tawaran tender ini atau kenaaan CJCP dimasukkan, ia mungkin boleh menyebabkan tawaran tender tidak dipertimbangkan atau jika ia berjaya mendapat tender ini, kontraknya boleh ditamatkan.
- 3.6 Pihak Berkuasa tidak akan melayan sebarang rayuan pertambahan harga tawaran atas apa-apa jua sebab sekalipun.
- 3.7 Pembekal hendaklah membuat tawaran di dalam Ringgit Malaysia (RM) sahaja dengan mengambilkira semua kos yang bersangkutan dengan tawaran ini seperti pengangkutan, perkhidmatan, peralatan dan lain-lain yang berkaitan semasa mengemukakan Tawaran Kewangan. Penilaian antara pembekal adalah berasaskan kepada jumlah tawaran keseluruhan.
- 3.8 Sebarang tuntutan kenaikan harga dalam tempoh kontrak tidak akan dilayan.

4. TEMPOH SAH LAKU HARGA

Harga yang ditawarkan oleh pembekal hendaklah kekal tempoh sah lakunya selama seratus lapan puluh (180) hari bermula dari tarikh tender ditutup.

5. PERATURAN PENYERAHAN DOKUMEN

5.1 **PERINGATAN: LARANGAN UNTUK TIDAK MELETAKKAN TANDA NAMA / PENGENALAN PEMBEKAL PADA DOKUMEN TAWARAN TEKNIKAL**

Pembekal dilarang untuk meletakkan sebarang tanda nama atau pengenalan pembekal atau apa-apa identiti pembekal pada lampiran dan lain-lain dokumen teknikal. Kegagalan pembekal mematuhi syarat ini boleh menyebabkan tawaran DITOLAK dan tidak dinilai/dipertimbangkan.

5.2 Spesifikasi Teknikal

- a) Pembekal hendaklah merujuk kepada keseluruhan dokumen berkaitan spesifikasi untuk mendapatkan butir-butir teknikal di dalam proses penyediaan Tawaran Teknikal.
- b) Pembekal bertanggungjawab sepenuhnya bagi memastikan semua perkhidmatan yang terlibat memenuhi dan mematuhi spesifikasi minima yang dinyatakan dalam dokumen ini.
- c) Pembekal hendaklah menyatakan dengan jelas jenis-jenis perkhidmatan sokongan yang diperlukan termasuklah menyenaraikan wakil kontraktor yang akan terlibat dengan skop perkhidmatan tersebut (sekiranya diperlukan).

5.3 Pembekal hendaklah mengisi dengan lengkap maklumat yang diperlukan bagi setiap borang yang disediakan. Sekiranya ruang tambahan diperlukan, pembekal boleh menggunakan lampiran tambahan yang mengandungi ruangan-ruangan yang sama dan serupa dari segi ukurannya.

5.4 Sebarang pindaan yang dibuat ke atas mana-mana ruangan mestilah dipotong dan ditandatangani ringkas setentang dengan apa-apa perubahan yang dibuat. Penggunaan sebarang pemadam cecair adalah tidak dibenarkan. Kegagalan pematuhan syarat ini boleh mengakibatkan tawaran pembekal ditolak.

5.5 Setiap pembekal hanya dibenarkan untuk membuat satu (1) Tawaran Teknikal dan satu (1) Tawaran Kewangan sahaja. Pembekal sama sekali tidak dibenarkan membuat tawaran pilihan (alternatif) bagi mana-mana butiran.

- 5.6 Pihak Berkuasa juga tidak akan bertanggungjawab terhadap kelewatan atau kehilangan dokumen semasa memuatnaik dokumen sokongan dan apa jua kesilapan pembekal semasa membuat tawaran tender.
- 5.7 Segala kos yang terlibat dalam membuat tawaran tender adalah tanggungan pembekal. Pihak Berkuasa tidak akan bertanggungjawab ke atas apa jua kos pembekal berhubung perkara ini.
- 5.8 Sekiranya terdapat percanggahan maklumat antara tawaran harga pada sistem ePerolehan dan Jadual Tawaran Harga yang dimuatnaik, tawaran harga pada sistem ePerolehan akan diguna pakai.

6. PERLANGGARAN SYARAT-SYARAT TENDER/ KONTRAK

- 6.1 Pembekal yang berjaya dan telah mengikat kontrak dengan CAAM dikehendaki membayar tuntutan penalti sekiranya didapati pihak pembekal melanggar syarat-syarat kontrak (*Breach of Condition of Contract*).
- 6.2 Pembekal berjaya yang tidak mematuhi syarat-syarat tender/kontrak seperti di para-para di atas boleh dikenakan tindakan mahkamah. Antara tindakan pelanggaran syarat-syarat tender adalah seperti berikut:
 - (a) Kesalahan Melanggar Syarat Tender
 - i. Menarik diri
 - ii. Tidak menyerahkan Jaminan Bank/Jaminan Insurans dalam tempoh yang ditetapkan.
 - iii. Memalsukan maklumat dengan tujuan menyertai tender.
 - iv. Lewat Bekalan/Perkhidmatan
 - v. Kurang Bekalan/Perkhidmatan
 - vi. Tidak Menepati Spesifikasi
 - vii. Tiada Bekalan/Perkhidmatan
 - viii. Tiada pembayaran kepada sub-kontraktor
 - ix. Tiada pembayaran kepada OEM
 - x. Tiada pembayaran kepada OEM
 - (b) Jenis-jenis Tindakan/Hukuman
 - i. Amaran
 - ii. Batal Tajuk Pendaftaran
 - iii. Gantung Pendaftaran
 - iv. Senarai hitam Ahli Lembaga Pengarah
 - v. Senarai hitam Pembekal

7. PERUBAHAN SYARAT-SYARAT

- 7.1 CAAM sentiasa berhak mengubah dari semasa ke semasa syarat-syarat yang terkandung dalam tender ini dan mulai dari tarikh yang dinyatakan oleh CAAM, pembekalan barang-barang atau perkhidmatan yang dikehendaki itu hendaklah mengikut perubahan-perubahan tersebut.
- 7.2 Sekiranya sesuatu perubahan itu menyebabkan perubahan perbelanjaan bagi perkhidmatan, pengeluaran atau tempoh pengeluaran, maka harga barang-barang yang terlibat dengan perubahan itu hendaklah dibuat dengan persetujuan kedua-dua pihak secara bertulis.

8. BANTAHAN KE ATAS SPESIFIKASI TENDER

- 8.1 Pembekal boleh membuat bantahan sekiranya didapati spesifikasi butiran menjurus kepada sesuatu jenama sahaja. Bantahan perlu dibuat secara bertulis kepada Ketua Pegawai Eksekutif Pihak Berkuasa Penerbangan Awam dengan mengemukakan bukti-bukti yang kukuh.
- 8.2 Surat bantahan ini hendaklah dikemukakan dalam tempoh empat belas (14) hari dari tarikh taklimat tender.
- 8.3 Sebarang keraguan hendaklah dirujuk kepada pegawai yang berkenaan dan keputusan Pihak Berkuasa adalah muktamad.

9. KEPUTUSAN TENDER ADALAH MUKTAMAD

Pihak Berkuasa tidak terikat untuk menerima mana-mana tawaran dari pembekal yang mengambil bahagian. Keputusan mengenai tender ini adalah muktamad dan sebarang surat-menyurat mengenai keputusan tender tidak akan dilayan.

10. PERTANYAAN

- a) Pertanyaan Tawaran Tender

Sebarang pertanyaan mengenai tawaran Tender hendaklah disalurkan kepada urus setia tender:

Emel : unit.perolehan@caam.gov.my.
No. Telefon : 03-88714137

b) Pertanyaan Teknikal Sistem ePerolehan

Semua pertanyaan teknikal mengenai Sistem ePerolehan hendaklah disalurkan kepada:

Nama Syarikat : Commerce Dot Com Sdn. Bhd.
Alamat Syarikat : Second Floor, Bangunan Amtek
15, Jalan Tandang
46050 Petaling Jaya
Selangor Darul Ehsan
No. Tel : 03-7985 7777
No. Faks : 03-7985 7800
Emel : bantuan@ePerolehan.gov.my

BAHAGIAN 2 : SYARAT-SYARAT KHAS TENDER

1. PENERIMAAN TAWARAN TENDER

- 1.1 Pembekal dikehendaki mengemukakan tawaran yang lengkap bagi setiap tawaran yang dinyatakan. Kegagalan pembekal berbuat demikian boleh menyebabkan tawaran tender **ditolak**.
- 1.2 Pihak Berkuasa adalah berhak menyetujui terima tawaran tender sama ada kesemuanya ataupun sebahagian daripadanya.
- 1.3 Pihak Berkuasa tidak terikat untuk menerima mana-mana tender dengan nilai yang terendah atau mana-mana tawaran tender. Semua tawaran tender yang diterima dan memenuhi syarat-syarat yang dinyatakan akan dinilai dengan sewajarnya. Segala keputusan Pihak Berkuasa adalah muktamad.
- 1.4 Pihak Berkuasa juga tidak terikat untuk memberikan apa-apa sebab di atas penolakan sesuatu tawaran tender.

2. PEMBAYARAN

- 2.1 Bayaran bagi perkhidmatan ini akan dibuat dalam **Ringgit Malaysia (RM)**.
- 2.2 Pembekal yang berjaya dikehendaki mengemukakan bil / inbois tuntutan dan Perakuan Sempurna Perkhidmatan kepada Ketua Jabatan / Agensi / Bahagian / Cawangan / Unit berkenaan bagi tujuan pembayaran. Semua inbois yang dikemukakan bagi mana-mana tuntutan bayaran akan dijelaskan dalam masa **EMPAT BELAS (14) HARI** dari tarikh penerimaan lengkap inbois beserta dokumen sokongan pembayaran dan tertakluk kepada semakan dan persetujuan Pihak Berkuasa akan kesahihan kandungan inbois tersebut.
- 2.3 Pihak Berkuasa berhak meminda jadual pembayaran sebelum kontrak ditandatangani.

3. SETUJU TERIMA TENDER

- 3.1 Pihak Berkuasa akan memaklumkan keputusan tender kepada pembekal yang berjaya melalui Surat Setuju Terima (SST).
- 3.2 Pembekal tidak dibenarkan untuk merujuk kepada Pihak Berkuasa untuk mendapatkan keputusan tender dengan apa jua cara sekalipun. Sebelum keputusan tender dibuat, maklumat adalah dianggap sulit. Tindakan undang-undang boleh diambil ke atas mana-mana pihak yang

tidak diberi kuasa untuk memperoleh, menyimpan serta mengedar maklumat sulit tersebut.

- 3.3 Keputusan Pihak Berkuasa adalah muktamad. Pihak Berkuasa tidak akan melayan sebarang surat menyurat yang berupa rayuan dari pembekal mengenai sebab-sebab tawaran mereka tidak berjaya.
- 3.4 Skop perkhidmatan yang diperlukan bagi tujuan tender ini adalah sepertimana yang dinyatakan di dalam Dokumen. Pihak Berkuasa tidak menjamin dalam apa cara sekalipun bahawa skop perkhidmatan yang disebutkan dalam pelawaan tender ini akan dipesan kesemuanya tetapi pembekal yang berjaya mesti bersedia memberikan semua pesanan yang dinyatakan ini dengan harga dan syarat-syarat yang sama.
- 3.5 Pembekal yang berjaya dikehendaki menandatangani Surat Akuan Pembida Berjaya bahawa ia tidak akan memberi rasuah sebagai ganjaran kerana mendapat kontrak. Wakil syarikat yang menandatangani Surat Akuan Pembida Berjaya hendaklah juga melampirkan Surat Perwakilan Kuasa menandatangani bagi pihak syarikat. Surat Akuan Pembida Berjaya ini wajib disertakan bersama Surat Setuju Terima.

4. BON PELAKSANAAN

- 4.1 Pembekal yang berjaya dikehendaki mengemukakan Bon Pelaksanaan di dalam bentuk Jaminan Bank dari mana-mana bank yang menjalankan perniagaan di Malaysia dan diluluskan oleh Kementerian Kewangan. Nilai Bon Pelaksanaan tersebut adalah seperti berikut:
 - a) 2.5% - daripada jumlah harga kontrak bagi kontrak bekalan/perkhidmatan yang bernilai melebihi RM200,000.00 hingga RM500,000.00.
 - b) 5.0% - daripada jumlah harga kontrak bagi kontrak bekalan/perkhidmatan yang bernilai melebihi RM500,000.00.
- 4.2 Pembekal yang berjaya hendaklah menggunakan format Bon Pelaksanaan (Borang Jaminan Bank) yang dilampirkan tanpa sebarang pindaan. Tempoh sah laku jaminan tersebut hendaklah dari tarikh ianya dikeluarkan sehingga dua belas (12) bulan selepas tarikh tamat kontrak atau selepas obligasi terakhir, mengikut mana yang terkemudian.
- 4.3 Bagi kontrak bermasa (*periodic contract*) yang berkuat kuasa dalam tempoh dua (2) tahun atau lebih, peratus dan pengiraan nilai Bon Pelaksanaan hendaklah dikira mengikut anggaran harga kontrak setahun sahaja. Walau bagaimanapun, Bon Pelaksanaan yang dikemukakan oleh pembekal yang berjaya hendaklah meliputi keseluruhan tempoh kontrak bermasa.

- 4.4 Bon Pelaksanaan akan dikembalikan setelah Perjanjian dilaksanakan dengan sempurna dan memuaskan. Sekiranya Perjanjian itu, tidak dapat dilaksanakan dengan sempurna maka bon Pelaksanaan tersebut akan dirampas.
- 4.5 Bon Pelaksanaan hendaklah dikemukakan dalam tempoh tiga puluh (30) hari dari tarikh pengakuan penerimaan Surat Setuju Terima (SST).
- 4.6 Kelewatan penyerahan Bon Pelaksanaan boleh menyebabkan Surat Setuju Terima dibatalkan dan seterusnya perjanjian ditamatkan. Pihak Berkuasa adalah berhak untuk berbuat demikian bagi mengelakkan kelewatan demi memastikan pelaksanaan tender ini berjalan seperti yang dirancang.

5. SKOP TENDER DAN TEMPOH PELAKSANAAN

- 5.1 Pembekal yang berjaya diwajibkan melaksanakan semua perkhidmatan seperti spesifikasi dan skop perkhidmatan yang dinyatakan di Senarai Semak Teknikal sistem ePerolehan dengan memastikan bahawa semua perkhidmatan adalah memenuhi spesifikasi dan skop tender.
- 5.2 Sebarang tuntutan kenaikan harga bagi perkhidmatan, yang timbul akibat daripada perbezaan di antara pentafsiran Pihak Berkuasa dengan pembekal mengenai spesifikasi tidak akan dilayan.
- 5.3 Penyebut harga adalah dikehendaki mengemukakan dengan jelas spesifikasi yang ditawarkan.
- 5.4 Tempoh pelaksanaan bagi sebut harga ini adalah **tiga puluh enam (36) bulan**. Walau bagaimanapun Pihak Berkuasa berhak untuk meminda tempoh berkenaan mengikut keperluan.

6. KERJA TIDAK SEMPURNA / DENDA

- 6.1 Jika Perkhidmatan yang dilaksanakan tidak mengikut spesifikasi atau jika berlaku pelanggaran mana-mana terma-terma dan syarat-syarat Perjanjian ini, Pihak Berkuasa boleh mengambil tindakan mana-mana satu atau apa-apa gabungan perkara-perkara yang berikut:
 - 6.1.1 Menolak Perkhidmatan atau apa-apa bahagian darinya;
 - 6.1.2 Menolak Perkhidmatan atau apa-apa bahagian darinya dan meminta Kontraktor menggantikan Perkhidmatan atau apa-apa bahagian darinya dalam apa-apa tempoh yang ditentukan oleh Pihak Berkuasa. Jika Perkhidmatan atau apa-apa bahagian darinya tidak digantikan dalam masa yang ditentukan, Pihak Berkuasa boleh mendapatkan Perkhidmatan atau apa-apa bahagian darinya daripada lain-lain punca dan Kontraktor

dikehendaki membayar amaun yang dikenakan kepada Pihak Berkuasa;

6.1.3 Menamatkan Perjanjian ini dan melantik pihak lain untuk melaksanakan Perkhidmatan;

6.1.4 Mengambil atau merampas keseluruhan atau sebahagian jumlah wang dalam Bon Pelaksanaan; atau

6.1.5 Pihak Berkuasa berhak memotong apa-apa wang yang kena dibayar kepada Kontraktor oleh Pihak Berkuasa, sama ada sebagai denda atau pampasan daripada mana-mana Perjanjian yang ditandatangani dengan Pihak Berkuasa daripada apa-apa yang kena dibayar oleh Pihak Berkuasa kepada Kontraktor di bawah Perjanjian ini. Jika wang yang kena dibayar kepada Kontraktor itu tidak mencukupi bagi menampung tuntutan Pihak Berkuasa, Pihak Berkuasa boleh menuntut baki tuntutan itu daripada Kontraktor dan Kontraktor hendaklah membuat pembayaran tersebut dalam tempoh yang ditentukan dalam notis tuntutan. Pihak Berkuasa juga berhak menuntut jumlah baki tersebut daripada Kontraktor melalui mana-mana Perjanjian yang ditandatangani dengan agensi Pihak Berkuasa, sekiranya Kontraktor gagal membuat bayaran setelah dituntut.

6.2 Kontraktor adalah dikehendaki membaiki atau mengganti apa-apa kerosakan yang berlaku kepada harta benda akibat daripada kelalaian pihak pekerja Kontraktor semasa mengendalikan perkhidmatan berkenaan.

7. TANGGUNGJAWAB SYARIKAT

7.1 Syarikat adalah bertanggungjawab menguruskan perkhidmatan ini dengan sempurna sepertimana yang terkandung dalam Senarai Semak Teknikal sistem ePerolehan dan tertakluk kepada syarat-syarat seperti yang dinyatakan.

7.2 Memaklumkan kepada Pihak Berkuasa apa-apa perkara atau kejadian yang berlaku yang boleh menjejaskan pelaksanaan Perjanjian ini;

7.3 Melaksanakan Perkhidmatan tersebut dengan baik dan dengan amalan pentadbiran yang cekap demi kepentingan Pihak Berkuasa dan mematuhi perundangan yang sedia ada;

7.4 Mematuhi segala arahan yang diberikan oleh Pihak Berkuasa berhubung pelaksanaan Perjanjian ini; dan

7.5 Memberi segala bentuk kerjasama kepada Pihak Berkuasa atau pegawai yang diberi kuasa dalam apa-apa perkara yang berkaitan dengan pelaksanaan perkhidmatan tersebut;

7.6 Syarikat hendaklah bertanggungjawab dan memberi pampasan sepenuhnya kepada Pihak Berkuasa terhadap apa-apa kerugian akibat dari kecuaiannya pekerja Syarikat dalam menjalankan tugas bagi menguruskan perkhidmatan tersebut.

8. TANGGUNGJAWAB PIHAK BERKUASA

8.1 Membuat bayaran atas kadar bayaran yang telah dipersetujui pada masa dan mengikut cara yang dinyatakan dalam Perjanjian.

8.2 Memberi kerjasama setakat mana yang boleh kepada pekerja-pekerja syarikat dalam masa mereka menjalankan tugas.

8.3 Pada masa tamatnya Perjanjian ini mengikut had-had dan syarat-syarat Perjanjian, membenarkan Syarikat mengambil mana-mana hak miliknya dari kawasan pejabat.

9. PENAMATAN PERSETUJUAN

9.1 Pembekal adalah diwajibkan untuk mematuhi syarat-syarat perjanjian tender ini. Ketidakpatuhan kepada syarat-syarat tender boleh mengakibatkan pihak CAAM untuk mengambil langkah-langkah penamatan persetujuan.

9.2 CAAM akan mengemukakan Notis Untuk Tujuan Penamatan Kontrak (NUTPK) kepada pembekal yang berjaya bagi kegagalan pihak pembekal mengambil tindakan sewajarnya terhadap tuntutan secara bertulis daripada CAAM. Jika pembekal yang berjaya gagal untuk memulihkan keadaan, maka CAAM akan secara bertulis mengeluarkan Notis Penamatan Kontrak (NPK). Dengan memberi notis bertulis kepada Pembekal, CAAM boleh terus menamatkan Persetujuan ini.

9.3 NUTPK akan dikeluarkan kepada pembekal, jika Pembekal itu sebagai orang perseorangan atau, apabila Pembekal itu adalah suatu firma, mana-mana pekongsi firma itu pada bila-bila masa menjadi bankrap, atau suatu perintah penerimaan atau perintah pentadbiran dibuat terhadapnya atau membuat suatu penyelesaian atau perkiraan dengan atau bagi faedah siputang-sipiutang, atau jika Pembekal itu adalah pembekal, meluluskan suatu perintah bahawa pembekal itu digantung (bukan suatu penggulangan ahli bagi maksud penyusunan atau penyatuan) atau pengurus bagi pihak seseorang pemiutang dilantik atau jika timbul keadaan-keadaan yang memberi hak kepada mahkamah membuat sesuatu perintah penggulangan.

9.4 NUTPK juga akan dikeluarkan kepada pembekal, jika CAAM mempunyai sebab bagi mempercayai bahawa Pembekal atau sesiapa yang diambil bekerja olehnya atau bertindak bagi pihaknya (sama ada dengan atau di

luar pengetahuan Pembekal) melakukan perbuatan rasuah. Dengan sentiasa bersyarat bahawa penamatan Persetujuan ini tidak menyentuh hak-hak CAAM untuk mendapatkan balik ganti rugi.

10. PELAKSANAAN PROGRAM PROFESSIONAL TRAINING AND EDUCATION FOR GROWING ENTREPRENEURS (PROTÉGÉ) DALAM PEROLEHAN

10.1 Syarikat adalah dikehendaki melaksanakan program Professional Training and Education for Growing Entrepreneurs (PROTÉGÉ) seperti yang ditetapkan oleh Kerajaan berdasarkan harga kontrak dengan bilangan minimum peserta PROTÉGÉ sebanyak orang tanpa sebarang kos kepada Pihak Berkuasa. Bilangan minimum peserta yang diperlukan hendaklah dikira berdasarkan formula di bawah:

$$1\% \times \text{Harga Kontrak}^*$$

$$\text{RM24,000}^{**}$$

*Bagi tujuan pengiraan PROTÉGÉ, Harga Kontrak adalah nilai tawaran yang dipersetujui

** Elaun PROTÉGÉ (RM2,000 seorang x 12 bulan)

10.2 Kontraktor yang berjaya wajib mengemukakan Surat Akuan Pembida Untuk Melaksanakan Program PROTÉGÉ beserta dengan Surat Setuju Terima yang telah ditandatangani di mana kontraktor bersetuju melaksanakan program PROTÉGÉ. Surat Akuan ini akan menjadi sebahagian daripada Dokumen Kontrak Tender.

11. PELAKSANAAN INTEGRITY PACT

11.1 Kesemua pembekal yang menghantar dokumen sebutharga hendaklah menandatangani Surat Akuan Pembida (nama penandatanganan akuan hendaklah seperti mana yang disenaraikan di Modul Pendaftaran Pembekal Sistem eP) yang mengandungi pengakuan bahawa:

- a) Pembekal tidak akan menawar atau memberi rasuah sebagai sogokan untuk mendapatkan kontrak.
- b) Kesemua maklumat tawaran dan lampiran yang dikemukakan adalah benar dan tepat.

11.2 Sekiranya pembekal didapati memberikan maklumat palsu atau sengaja menyorok (withhold) atau tidak memberikan mana-mana maklumat yang memberikan kesan negatif terhadap keupayaannya, tawarannya akan ditolak dan tindakan tatatertib akan diperakukan terhadapnya.

- 11.3 Pembekal yang berjaya dan telah dilantik secara rasmi oleh pihak Kerajaan juga dikehendaki menandatangani Surat Akuan Pembida Berjaya bahawa ia tidak akan memberi rasuah sebagai ganjaran kerana mendapatkan kontrak

12. PERINGATAN MENGENAI KESALAHAN RASUAH

12.1 Akta Pencegahan Rasuah 1997

- a) Sebarang perbuatan atau percubaan rasuah untuk menawar atau memberi, meminta atau menerima apa-apa suapan secara rasuah kepada dan daripada mana-mana orang berkaitan perolehan ini merupakan suatu kesalahan jenayah di bawah akta ini.
- b) Sekiranya mana-mana pihak ada menawar atau memberi apa-apa suapan kepada mana-mana anggota pentadbiran awam, maka pihak yang ditawarkan atau diberi suapan dikehendaki membuat aduan dengan segera ke Pejabat Badan Pencegah Rasuah atau Balai Polis berhampiran. Kegagalan berbuat demikian merupakan suatu kesalahan di bawah akta ini.
- c) Tanpa prejudis kepada tindakan-tindakan lain, tindakan tatatertib terhadap anggota perkhidmatan awam dan menyenaraihitamkan Syarikat boleh diambil sekiranya pihak-pihak terlibat dengan kesalahan rasuah di bawah akta ini.
- d) Mana-mana Syarikat yang membuat tuntutan bayaran berkaitan perolehan ini walaupun tiada kerja dibuat atau tiada barangan dibekal mengikut spesifikasi yang ditetapkan atau tiada perkhidmatan diberi dan mana-mana anggota perkhidmatan awam yang mengesahkan tuntutan berkenaan adalah melakukan kesalahan di bawah akta ini.

13. *FORCE MAJEURE*

13.1 Syarikat dan Pihak Berkuasa adalah tidak bertanggungjawab bagi sebarang ketinggalan atau kegagalan dalam melaksanakan Perjanjian ini, jika ketinggalan atau kegagalan itu timbul daripada keadaan-keadaan *Force Majeure*. Dalam keadaan ini, yang menyebabkan mana-mana Pihak tidak dapat menyempurnakan Perjanjian ini, Perjanjian ini boleh ditamatkan dengan persetujuan Pihak-Pihak, tanpa apa-apa pampasan. Kejadian *Force Majeure* hendaklah bermaksud:

- a) peperangan (sama ada ia diisytiharkan atau tidak), pertempuran, penaklukan atau tindakan oleh musuh-musuh asing;
- b) pemberontakan, revolusi, rampasan kuasa, perang saudara atau tindakan pengganas;

- c) bencana alam termasuk, tetapi tidak terhad kepada gempa bumi, banjir, kebakaran spontan bawah tanah, ombak besar atau apa-apa bencana alam yang, secara munasabah, seseorang yang berpengalaman tidak dijangka dapat mengambil langkah berjaga-jaga, wabak penyakit;
- d) letupan nuklear, pencemaran radioaktif atau bahan kimia atau radiasi;
- e) tekanan gelombang yang disebabkan oleh kapal terbang atau apa-apa peranti aerial yang bergerak dalam kelajuan sonik atau supersonik;
- f) rusuhan, kekecohan atau kekacauan awam; atau
- g) sebab-sebab atau bahaya-bahaya yang lain yang di luar kawalan mana-mana Pihak.

- 13.2 Jika berlaku sesuatu kejadian *Force Majeure* yang menyebabkan mana-mana Pihak tidak dapat melaksanakan apa-apa obligasinya di bawah Perjanjian ini (atau mana-mana bahagian daripadanya) yang terjejas akibat daripada kejadian *Force Majeure* tersebut, Pihak tersebut hendaklah dengan serta-merta memaklumkan akan kejadian *Force Majeure* itu kepada Pihak yang satu lagi dan diikuti dengan butir-butir terperinci mengenai kejadian *Force Majeure* dan kesannya kepada pelaksanaan Perjanjian ini.
- 13.3 Mana-mana Pihak tidak boleh menggunakan mana-mana peruntukan dalam klausa ini jika Pihak-Pihak telah memutuskan secara munasabah bahawa satu kejadian *Force Majeure* tidak berlaku.
- 13.4 Syarikat hendaklah membuktikan bahawa kejadian *Force Majeure* betul-betul berlaku sebelum Syarikat dapat melepaskan tanggungjawabnya.
- 13.5 Jika Perjanjian ini ditamatkan, semua hak dan obligasi Pihak-Pihak di bawah Perjanjian ini hendaklah terhenti dan mana-mana Pihak tidak boleh membuat apa-apa tuntutan terhadap Pihak yang satu lagi dan masing-masing tidak bertanggungjawab terhadap satu sama lain melainkan berkaitan dengan apa-apa hak dan liabiliti yang terakru sebelum berlakunya kejadian *Force Majeure* tersebut.
- 13.6 Bagi mengelakkan apa-apa keraguan, Pihak-Pihak kepada Perjanjian ini hendaklah terus melaksanakan obligasi masing-masing di bawah Perjanjian ini yang tidak terjejas, tertangguh atau terganggu oleh kejadian *Force Majeure* dan obligasi berkenaan hendaklah terus berkuat kuasa sepenuhnya sementara menunggu pelaksanaan peruntukan klausa ini.

14. AM

- 14.1 Istilah 'kontrak' yang digunakan dan dalam mana-mana bahagian dalam dokumen tawaran adalah bermakna semua dokumen yang dimaksudkan yang mengandungi syarat-syarat penentuan kerja dan semua dokumen- dokumen ini menjadi suatu kontrak dan ianya saling menyokong antara satu dengan yang lain.
- 14.2 Istilah 'Pihak Berkuasa' yang digunakan dan dalam mana-mana bahagian dokumen tawaran adalah Pegawai Penyelia atau Pegawai-pegawai yang dilantik oleh Pihak Berkuasa Penerbangan Awam, Malaysia.
- 14.3 Pihak Berkuasa tidak akan bertanggungjawab dalam apa-apa cara sekali pun terhadap apa-apa kecederaan yang dialami oleh pekerja-pekerja Syarikat semasa menjalankan tugas di dalam atau di luar kawasan yang telah ditetapkan.
- 14.4 Syarikat hendaklah bertanggungjawab dan memberi pampasan sepenuhnya kepada Pihak Berkuasa terhadap apa-apa kerosakan kemusnahan atau kehilangan sesuatu akibat dari kelalaian yang berlaku atas kecuaiannya pekerja semasa menjalankan tugas.
- 14.5 Bahawa sekiranya berbangkit apa-apa pertikaian atau perselisihan antara kedua-dua pihak yang disebut di sini mengenai perjanjian, maka pertikaian atau perselisihan itu hendaklah diserahkan kepada penimbangtara tunggal yang akan dilantik oleh kedua-dua pihak dan keputusan dan timbangtaranya tertakluk kepada Ordinan Timbangtara 1950.

15. IKATAN PERJANJIAN

Perjanjian ini hendaklah mengikat ejen-ejen, wasi-wasi, pentadbir-pentadbir, pengganti-pengganti dan penerima pindah hak milik Syarikat.

16. KONTRAK

- 16.1 Pihak Berkuasa akan mengikat suatu kontrak dengan pembekal yang berjaya dalam tender ini untuk tempoh selama **tiga puluh enam (36) bulan**.
- 16.2 Pembekal yang berjaya adalah diwajibkan mengikat satu Kontrak dengan Pihak Berkuasa dan perlu membayar ganti rugi sekiranya tidak mematuhi Kontrak. Contoh Kontrak adalah seperti di Senarai Semak Teknikal sistem ePerolehan.
- 16.3 Dokumen Kontrak hendaklah ditandatangani secepat mungkin selepas semua terma dan syarat dipersetujui oleh kedua-dua pihak dan selewat-

lewatnya empat (4) bulan dari tarikh Surat Setuju Terima dikeluarkan. Tarikh kuatkuasa kontrak (*effective date*) adalah pada tarikh Surat Setuju Terima ditandatangani oleh pembekal yang Berjaya manakala tarikh kontrak ialah tarikh kontrak ditandatangani oleh kedua-dua pihak.

16.4 Pembekal yang berjaya dikehendaki menyediakan dua (2) Dokumen Kontrak Asal serta empat (4) salinan pendua kepada Kontrak Asal. Dokumen-dokumen Kontrak tersebut hendaklah dijilid dan dikembalikan kepada Pihak Berkuasa. Segala perbelanjaan bagi penyediaan Dokumen Kontrak dan juga proses mematikan setem adalah ditanggung sepenuhnya oleh pembekal yang berjaya.

16.5 Pihak Berkuasa berhak menamatkan kontrak sedia ada walaupun tempoh kontrak belum tamat atas sebab-sebab berikut:

a) Pihak Berkuasa tidak berpuas hati dengan perkhidmatan yang tidak berkualiti yang diberikan oleh pembekal yang berjaya; atau

b) Pihak Berkuasa tidak lagi memerlukan perkhidmatan tersebut.

17. PERUBAHAN SYARAT-SYARAT KONTRAK

17.1 Pihak Berkuasa sentiasa berhak mengubah dari semasa ke semasa syarat-syarat yang terkandung dalam Kontrak ini dan mulai dari tarikh yang dinyatakan oleh Pihak Berkuasa, perkhidmatan yang dikehendaki itu hendaklah mengikut perubahan-perubahan tersebut.

17.2 Sekiranya sesuatu perubahan itu menyebabkan perubahan kos bagi perkhidmatan, maka penyesuaian harga akan dibuat dengan persetujuan kedua-dua pihak secara bertulis.

18. PELANJUTAN TEMPOH KONTRAK

Dalam Tempoh Kontrak masih berkuatkuasa, pembekal yang berjaya boleh memohon pelanjutan tempoh kontrak secara bertulis dengan menyertakan justifikasi yang kukuh serta dokumen sokongan (jika ada) kepada Pihak Berkuasa. Walau apa pun keadaan, Pihak Berkuasa berhak menolak permohonan pelanjutan tempoh kontrak tersebut dan tidak akan bertanggungjawab ke atas sebarang kos yang terlibat (jika ada).

19. MENARIK BALIK TAWARAN

Pembekal tidak boleh menarik balik tawaran sebelum Tender dipertimbangkan atau menolak tawaran setelah tawaran dibuat. Jika pembekal menarik diri atau menolak tawaran, nama pembekal akan di kemukakan kepada Kementerian Kewangan Malaysia untuk tindakan.

20. KERAHSIAAN

Semua maklumat yang berkaitan dengan tawaran ini adalah sulit dan tidak boleh digunakan untuk sebarang tujuan lain selain daripada untuk Tender ini sahaja.

21. HAKMILIK

21.1 Kesemua *deliverable* dan dokumen yang disediakan akan menjadi **HAK MILIK PIHAK BERKUASA.**

21.2 Semua data yang tersimpan dalam sistem yang terbabit daripada dokumen ini adalah menjadi hak milik Pihak Berkuasa sepenuhnya.

22. IKLAN

Tiada sebarang maklumat mengenai Tender ini boleh disiarkan di dalam sebarang akhbar, majalah atau alat pengiklanan yang terkini melainkan jika iklan tersebut telah dihantar dan diluluskan oleh Pihak Berkuasa terlebih dahulu.

23. PEMAKAIAN UNDANG-UNDANG

23.1 Perjanjian ini hendaklah ditafsirkan mengikut undang-undang Malaysia.

23.2 Syarikat hendaklah arif dengan peraturan Pihak Berkuasa Malaysia yang berkuatkuasa.

23.3 Syarikat hendaklah mematuhi segala peraturan dan undang-undang yang terpakai di Malaysia.

24. NOTIS

24.1 Apa-apa notis, kelulusan, persetujuan, permohonan atau apa-apa komunikasi yang diperlukan atau dibenarkan di bawah Perjanjian ini hendaklah dibuat secara bertulis dalam Bahasa Melayu atau Bahasa Inggeris dan hendaklah disifatkan telah diserahkan secara sempurna jika diserahkan kepada alamat pihak-pihak seperti yang berikut:

a) Bagi pihak Pihak Berkuasa

KETUA PEGAWAI EKSEKUTIF
PIHAK BERKUASA PENERBANGAN AWAM MALAYSIA
BAHAGIAN KHIDMAT PENGURUSAN
ARAS 3, BLOK PODIUM A
NO. 27, PERSIARAN PERDANA, PRESINT 4
62618 PUTRAJAYA

b) Bagi pihak Syarikat

Nama syarikat:

Alamat:

Tel:

Faks: